

31 Jahr

Die Abverheite



Fescht Fir Folli Fraue

«Gymne» haisst blutt (uff Griechisch, nit uff Dänisch),
e «Strada» isch e Schtrooss uff Italiänisch,
und zämmegsetzt isch es e Durnparade,
e Durenand vo Händ und Kepf und Wade.
— Y dängg jo nit, dass ebber das verschoht,
drum sag y no wie's ebbe-n-eso goht:
Vo wythär kemme Lyt — fascht alles Wybli —
und zwänge-n-ihry Forme-n-in e Lybli.

E baar hänn s'Lybli grumm, die maischte grad a,
däm wo si zaige sait me Gymnestrada.
Wär jetzt no meh mecht wisse mues halt warte
bis si im Summer das Spektakel scharte.
D'Ehr dass das Fescht zue uns kunnt duet ys zwinge
fir d'Gescht au Basler Attraktione z'bringe.
Es fählt ys numme d'Phantasie drzue
— durnfeshti Fraue hämmer allwäg gnue.

